

Pusat kumpul makanan memudahkan salur bantuan

Putrajaya: Pusat pengumpulan dan pendedaran makanan Food Bank Malaysia di Bukit Angkat, Kajang, Selangor, dijangka beroperasi pada awal bulan depan.

Menteri Perdagangan Dalam Negeri Dan Hal Ehwal Pengguna (KPDNHEP), Datuk Seri Saifuddin Nasution Ismail, berkata pusat yang hampir siap dibina itu lebih sistematik bagi memudahkan penyaluran bantuan.

Beliau berkata, pada masa ini, aset Food Bank Malaysia semakin bertambah seperti trak makanan digunakan untuk menghantar bantuan dan ia memerlukan sebuah pusat untuk meletak kenderaan terbabit.

“Pusat pengumpulan dan pendedaran itu juga memudahkan makanan dan bahan mentah yang diberi penyumbang dapat disimpan lebih baik serta tidak mudah rosak,” katanya pada sidang media selepas Majlis Menandatangani Memorandum Persefahaman (MoU) Antara Yayasan Food Bank Malaysia dan Nestle (Berhad) di

sini, semalam. Yang turut hadir, Ketua Pegawai Eksekutif Yayasan Food Bank Malaysia, Ab Wahab Long dan Pengerusi Nestle Malaysia, Tan Sri Syed Anwar Jamalulail.

Kerjasama antara Nestle Malaysia dan Yayasan Food Bank Malaysia itu diadakan selama dua tahun bagi membekalkan produk makanan Nestle kepada lebih 50,000 keluarga B40 dan golongan miskin tegar di seluruh negara.

Program Food Bank Malaysia diadakan bagi mengurangkan kos sara hidup rakyat, selain menangani masalah pembaziran makanan yang dilancarkan pada 22 Disember 2018.

Saifuddin berkata, pusat pengumpulan itu juga dapat mengurangkan birokrasi dan mempercepatkan kerja agihan tanpa menunggu masa lama.

Beliau berkata, sejak dilancarkan sehingga November tahun lalu, sebanyak 1,984 tan makanan disalurkan kepada 476,250 penerima dan bagi Program Food



Saifuddin (tiga dari kanan) bersama Anwar (kiri) dan Ab Wahab (dua dari kanan) dan Ketua Pegawai Eksekutif Nestle Malaysia, Juan Aranols (tiga dari kiri) di Putrajaya, semalam.
(Foto Luqman Hakim Zubir/BH)

Bank Siswa pula, sebanyak 12,251 penerima membabitkan 21 universiti.

Katanya, pada tahun ini, program Food Bank Siswa akan di-

perluas ke 123 kampus institusi pengajian tinggi (IPT) seluruh negara.

“Antara penerima ialah institut pengajian tinggi swasta (IPTS),

politeknik dan Institut Pendidikan Guru (IPG) dengan keutamaan kepada penuntut keluarga berpendapatan rendah,” katanya.